

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst ("Službene novine Zeničko-dobojskog kantona", broj: 7/10), na prijedlog Ministarstva unutrašnjih poslova, Vlada Zeničko-dobojskog kantona, na 118. sjednici, održanoj dana 24.08.2021. godine, d o n o s i

ZAKLJUČAK

I.

Prihvata se Informacija o stanju bezbjednosti na području Zeničko-dobojskog kantona za 2021. godinu za prvo polugodište 2021. godine.

II.

Zaključak stupa na snagu danom donošenja.

PREMIJER

Mirnes Bašić

Broj: 02-_____/21
Datum, 24.08.2021. godine
Zenica

DOSTAVLJENO:

1x Ministarstvo unutrašnjih poslova,
1x Stručna služba Vlade,
1x a/a.

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
MINISTARSTVO UNUTRAŠNJIH POSLOVA
MINISTARSTVO UNUTARNJIH POSLOVA
Z E N I C A**

I N F O R M A C I J A
o stanju bezbjednosti na području Zeničko-dobojskog kantona
za prvo polugodište 2021. godine

Zenica, august 2021. godine

1. UVOD

Informacija o stanju bezbjednosti za prvo polugodište 2021. godine izrađena je na osnovu statističkih pokazatelja i izvještaja o radu dostavljenih od strane organizacionih jedinica Ministarstva unutrašnjih poslova Zeničko-dobojskog kantona.

Rad svih organizacionih jedinica Ministarstva se odvijao u skladu sa ovlaštenjima propisanim zakonima i podzakonskim aktima (Zakonom o unutrašnjim poslovima ZDK, Zakonom o policijskim službenicima ZDK, Zakonom o javnom redu i miru ZDK, Zakonom o osnovama bezbjednosti saobraćaja na putevima u BiH, Zakonom o prekršajima FBiH, te Pravilnikom o unutrašnjoj organizaciji MUP-a ZDK, Pravilnikom o zaštiti tajnih podataka u MUP-u ZDK, Pravilnikom o zaštiti ličnih podataka u MUP-u ZDK, Pravilnikom o upotrebi sile itd).

Posebna pažnja je bila posvećena zakonitom radu, primjeni policijskih ovlaštenja i profesionalnom odnosu policije prema građanima, uz poštivanje domaćih i međunarodnih standarda i propisa o ljudskim pravima.

Takođe, rad Ministarstva se odvijao u skladu sa projektima koje obuhvataju brojne aktivnosti iz akcionih planova na državnom nivou u oblasti borbe protiv organizovanog kriminala, borbe protiv korupcije, kao i rad na prevenciji maloljetničke delinkvencije, nasilja u porodici i nasilja nad djecom.

Cjelokupna aktivnost Ministarstva se odvijala u saradnji sa drugim nadležnim organima i institucijama i u svom operativnom radu Ministarstvo je u potpunosti bilo usmjereno ka eliminisanju svih pojava koje narušavaju ili bi mogle narušiti bezbjednosnu situaciju.

U realizaciji zadataka Ministarstvo je ostvarilo dobru saradnju sa drugim agencijama za sprovođenje zakona (FMUP, SIPA, MUP RS, MUP-ovi drugih kantona itd), zatim sa Tužilaštvom BiH, Federalnim i Kantonalnim tužilaštvom, Kantonalnom upravom za inspeksijske poslove, Kazneno popravni zavod Zenica, Ministarstvom za pravosuđe i upravu, Ministarstvom zdravstva, te drugim ministarstvima i kantonalnim upravama.

U oblasti kriminaliteta Ministarstvo je preduzimalo mjere i aktivnosti u skladu sa Akcionim planom kojim je obuhvaćena borba protiv svih vidova kriminaliteta pri čemu su posebno značajne aktivnosti u borbi protiv organizovanog kriminala i korupcije i borbi protiv zloupotrebe opojnih droga. U izvještajnom periodu, službenici Ministarstva su poduzeli niz operativno-taktičkih mjera i radnji u cilju prikupljanja saznanja, otkrivanja i dokazivanja krivičnih djela iz nadležnosti ovog Ministarstva, kao i mjere i radnje po zahtjevima tužilaštva, a kao rezultat takvog rada, nadležnom tužilaštvu je dostavljeno 39 izvještaja i pet dopuna izvještaja kojima su prikupljena obavještenja i dokazi zbog postojanja osnova sumnje da je 151 lice počinilo 57 krivičnih djela.

U izvještajnom periodu u oblasti privrednog kriminaliteta Odsjek za privredni kriminalitet MUP-a ZDK je nadležnom Kantonalnom tužilaštvu ZDK podnio 17 izvještaja o izvršenim krivičnim djelima i otkrivanju izvršilaca protiv 22 fizička lica. Ovaj Odsjek je nadležnom tužilaštvu dostavio 43 izvještaja o izvršenim provjerama, te je uzeto 260 pismenih izjava na zapisnik.

U oblasti borbe protiv zloupotrebe opojnih droga, u saradnji sa drugim agencijama i ministarstvima, na području drugih kantona, aktivno je postupano po Planu sprovođenja aktivnosti po akciji kodnog naziva „Mreža IV“, te je kao rezultat navedenog pronađena opojna droga « speed » u količini oko 22,50 kg, kojom prilikom je protiv 2 lica počinjen izvještaj o počinjenom krivičnom djelu Kantonalnom tužilaštvu Srednjo-bosanskog kantona.

Takođe, kontinuirano se postupalo po nalogima Kantonalnog tužilaštva ZDK vezano za istrage protiv lica zbog izvršenja krivičnih djela „Neovlaštena proizvodnja i stavljanje u

promet opojnih droga“ iz člana 238. KZ FBiH.

U saradnji sa Kantonalnom upravom za inspekcijske poslove poduzimane su mjere i aktivnosti na kontroli prometa roba, aktivnosti na kontroli bespravne sječe šume, kontroli rada ugostiteljskih objekata, a pružane su i asistencije kantonalnim inspektorima.

Službenici Ministarstva su, u domenu svojih nadležnosti, analizirali, pratili i procjenjivali stanje bezbjednosti na području Kantona, vršili interno i eksterno informisanje i izrađivali statističke i analitičke izvještaje o radu. Takođe su izrađivane analize i informacije, te dostavljani statistički podaci po zahtjevima organizacionih jedinica MUP-a, kao i po zahtjevima drugih institucija i agencija za sprovođenje zakona i drugih subjekata.

Poduzimane su mjere na redovnom izvještavanju javnosti o dnevnim i vanrednim događanjima na području Kantona. Tokom izvještajnog perioda su sačinjavana saopćenja za javnost, dnevni i posebni izvještaji i izjave za medije, svakodnevno su vršene korespondencije preko e-maila, vršena je redovna komunikacija sa medijima, građanima, udruženjima, institucijama i drugim subjektima, te su istima, u skladu sa dostavljenim zahtjevima, ustupani traženi podaci i sačinjavane informacije.

Ministarstvo je sve obaveze i zadatke iz svoje nadležnosti, zaključno sa 30.06.2020. godine, obavljalo sa ukupno 1019 policijskih službenika, 55 državnih službenika i 397 namještenika što je ukupno 1471 zaposlenik u radnom odnosu. Važećim Pravilnikom o unutrašnjoj organizaciji i sistematizaciji u Ministarstvu je predviđeno angažovanje 1235 policijskih službenika, 72 državna službenika i 492 namještenika, što je ukupno 1799 sistematizovanih radnih mjesta, tako da je nedostajućih 328 zaposlenika. U odnosu na kategoriju zaposlenika najviše je nedostajućih policijskih službenika 216 što je znatan manjak u odnosu na broj sistematizovanih policijskih službenika. Nedostajući broj namještenika je 83, dok je nedostajućih državnih službenika 17.

U izvještajnom periodu je izvršen interni premještaj 15 policijskih službenika u okviru istog čina, a u skladu sa članom 64. Zakona o policijskim službenicima Zeničko-dobojskog kantona, a 2 policijska službenika su uz njihovu saglasnost raspoređena na poslove i zadatke nižeg čina shodno odredbama člana 67. pomenutog Zakona.

Radni odnos u ovom periodu je prestao za 10 policijskih službenika, i to sedmorici je radni odnos prestao zbog odlaska u starosnu penziju, dvojici policijskih službenika zbog prirodne smrti i jednom policijskom službeniku sporazumom.

Proveden je jedan interni oglas za unapređenje policijskih službenika u viši čin, pri čemu su unaprijeđena 2 policijska službenika, dok se za preostala 4 radna mjesta čeka žalbeni postupak.

Ovo Ministarstvo je, od strane ovlaštenih zaposlenika, zastupano pred Općinskim i Kantonalnim sudom u Zenici u predmetima pokrenutim od strane policijskih službenika iz radnog odnosa i postupcima pokrenutim zbog oduzimanja oružja u upravnim postupcima.

Kontinuirano su vršeni poslovi u vezi primjene Zakona o agencijama i unutrašnjim službama za zaštitu ljudi i imovine, gdje se kroz provođenje upravnog postupka odlučivalo o podnesenim zahtjevima, kako agencija za zaštitu ljudi i imovine, tako i pravnih i fizičkih lica. Provođeni su postupci izdavanja službenih iskaznica za lica koja obavljaju poslove zaštite, te su vođene propisane evidencije iz ove oblasti.

Kontinuirano je provođen drugostepeni upravni postupak u predmetima vezanim za primjenu Zakona o nabavljanju, držanju i nošenju oružja i municije, prilikom kojih policijski komesar odlučuje po žalbama na prvostepene odluke policijskih stanica.

U pogledu edukacije obavljane su aktivnosti na stručnom usavršavanju i osposobljavanju policijskih službenika. U prvom polugodištu 2021. godine, u organizaciji i saradnji sa brojnim vladinim i nevladinim organizacijama, kao i međunarodnim organizacijama i naučnim ustanovama organizovano je ukupno 36 različitih vidova obuke, odnosno edukacije na kojima je prisustvovalo ukupno 476 policijskih službenika.

U oblasti bezbjednosti saobraćaja, tokom prvih šest mjeseci 2021. godine kontinuirano su organizovane akcije “Tehnička ispravnost vozila“ i „Kontrola učesnika u saobraćaju sa inostranim registarskim tablicama“.

U oblasti javnog reda i mira vršeno je pružanje pomoći policijskim stanicama u poduzimanju mjera na obezbjeđenju javnih skupova, sportskog, kulturnog karaktera, prilikom čega su angažirane i dodatne policijske snage.

Od početka pandemije COVID 19, Ministarstvo je poduzimalo sve neophodne mjere i radnje na provođenju naredbi federalnog i kantonalnih štabova civilne zaštite, kao što su poštivanje rješenja o izolaciji, nošenje zaštitnih maski, policijski sat, ograničeno kretanje i dr.

Poduzimane su preventivne i represivne mjere, te niz drugih aktivnosti u cilju smanjenja broja zaraženih lica.

2. STANJE BEZBJEDNOSTI U PRVOJ POLOVINI 2021. GODINE

Stanje bezbjednosti na području ZDK tokom prvih šest mjeseci 2021. godine predstavljeno je kroz analize javnog reda i mira, kriminaliteta i bezbjednosti saobraćaja, po policijskim upravama, odnosno stanicama, kao i kroz analizu ostalih parametara datih u ovoj Informaciji.

2.1. JAVNI RED I MIR

U prvih šest mjeseci ove godine evidentirana su 2874 slučaja narušavanja javnog reda i mira u kojima je učestvovalo 3039 počinitelja. Najveći broj prekršaja je evidentiran na području PS Crkvice (882), a najmanji na područjima PS Olovo (9) i PS Usora (9).

Javni red i mir je u 261 slučaju narušen tučom ili fizičkim napadom na drugoga, u 245 slučajeva naročito drskim ponašanjem, u 1440 slučajevabodbijanjem naređenja i omalovažavanjem policijskih službenika, dok se u 928 slučajeva radilo o ostalim prekršajima.

Od 1440 prekršaja „Odbijanje naređenja i omalovažavanje policijskih službenika“, 1354 je evidentirano u skladu sa naredbama Federalnog štaba civilne zaštite, zavedenih radi sprječavanja širenja zaraze virusom COVID 19.

Od 928 ostalih prekršaja javnog reda i mira, 193 prekršaja su evidentirana u skladu sa odlukama općinskih vijeća.

Stanje javnog reda i mira po policijskim stanicama u prvom polugodištu 2021. godine

PU/PS	Broj prekršaja JRM	Broj učinitelja	Tuče i fizički napadi	Naročito drsko ponašanje	Odbijanje naređenja i omalovažavanje pol.sl.	Ostali prekršaji	Ugostiteljski objekti	Ulice, trgovi, putevi i drugi otvoreni prostori	Ostala mjesta
PS Centar	737	737	38	28	429	242	4	724	9
PS Crkvice	882	882	37	51	471	323	7	757	118
PS Nemila	126	126	16	27	27	56	26	57	43
PS Visoko	112	125	30	28	33	21	0	112	0
PS Kakanj	169	198	21	29	64	55	6	136	27
PS Breza	59	59	23	6	20	10	0	43	16
PS Zavidovići	64	94	13	8	35	8	2	62	0
PS Maglaj	239	270	15	26	84	114	5	145	89
PS Žepče	96	124	34	12	35	15	3	82	11
PS Tešanj	280	306	22	20	166	72	45	178	57
PS Usora	9	10	0	2	5	2	0	9	0
PS Doboju Jug	47	47	4	1	36	6	2	30	15
PS Olovo	9	16	1	3	4	1	0	6	3
PS Vareš	45	45	7	4	31	3	3	39	3
UKUPNO	2874	3039	261	245	1440	928	103	2380	391

Od ukupnog broja prekršaja, 1333 je počinjeno od strane povratnika u vršenju prekršaja, 13 od strane maloljetnika, 2 od strane stranih državljana i 1526 od strane ostalih lica.

Prekršaji su se u 2380 slučajeva desili na ulici, u 103 slučaja u ugostiteljskim objektima i u

391 slučaju na ostalim mjestima. Posljedica ovih prekršaja su 136 povrijeđenih lica, od kojih 33 povratnika u vršenju prekršaja, 2 maloljetnika i 101 ostalo lice.

Prekršaji su u 2487 slučajeva sankcionisani izdavanjem prekršajnih naloga i u 387 slučajeva podnošenjem zahtjeva za pokretanje prekršajnih postupaka.


Stanje javnog reda u periodu januar-juni 2021. godine sa uporednim podacima

	Broj prekršaja JRM	Broj počilaca	Tuča i fizički napadi	Naročito drsko ponašanje	Odbijanje naređenja i omalovažavanje policijskih službenika	Ugostiteljski objekti	Ulica kao mjesto prekršaja	Posljedice Povrijeđena lica
Jan. – juni 2017. godine	1190	1343	311	246	112	97	769	177
Jan. – juni 2018. godine	1365	1545	292	251	139	129	887	122
Jan. – juni 2019. godine	1241	1374	232	268	83	102	833	130
Jan. – juni 2020. godine	4538	4676	280	292	2972	138	3795	133
Jan. – juni 2021. godine	2874	3039	261	245	1440	103	2380	136

Kako se može vidjeti iz navedenih podataka, broj prekršaja javnog reda i mira je, u odnosu na isti period prethodne godine, manji za 1664 prekršaja. Ovoliko smanjenje se uglavnom odnosi na prekršaje „Odbijanje naređenja i omalovažavanje policijskih službenika“, čiji je broj smanjen zbog ukidanja određenih naredbi Federalnog štaba civilne zaštite, zavedenih radi sprječavanja širenja zaraze virusom COVID 19.

Broj prekršaja javnog reda i mira tučom ili fizičkim napadom na drugoga je manji za 19 prekršaja ili 6,8%, broj prekršaja naročito drskim ponašanjem je manji za 47 prekršaja ili 16,1%, te je broj povrijeđenih lica u prekršajima javnog reda i mira veći za 3 lica ili 2,3%.

Dijagram prekršaja javnog reda i mira po policijskim stanicama



Učinioci prekršaja po spolu

Broj	Broj učinilaca
------	----------------

prekršaja JRM	Ukupno učinilaca	Od ukupnog broja		Od ukupnog broja učinilaca							
				Do 18 godina		Od 19 do 25 god		Od 26 do 35 god		Preko 36 god	
		Ž	M	Ž	M	Ž	M	Ž	M	Ž	M
2874	3039	363	2676	1	14	119	914	95	795	148	953

Od ukupnog broja učinilaca prekršaja, 363 su lica ženskog i 2676 muškog spola. Od 15 maloljetnih učinilaca prekršaja, jedno lice je ženskog i 14 muškog spola.

PODACI O MIGRANTIMA

Na području Zeničko-dobojskog kantona su, prema podacima dostavljenim od strane policijskih stanica MUP-a ZDK i Odsjeka za kriminalističko-obavještajni rada SKP, u periodu januar - juni 2021. godine, evidentirani sljedeći podaci u vezi sa migrantskom populacijom:

- Ukupan broj migranata koji su zatečeni na području ZDK - 2867
- Ukupan broj kontrolisanih migranata - 937
- Broj migranata lišenih slobode - 38
- Broj krivičnih djela počinjenih od strane migranata - 21
- Broj prekršaja počinjenih od strane migranata - 3
- Broj incidenata počinjenih od strane migranata - 4
- Broj migranata koji su vraćeni iz susjednih država - 0
- Broj akcija policije vezanih za krijumčarenje ilegalnih migranata - 0
- Broj migranata predatih u imigracioni centar ili službi za poslove sa strancima - 278

2.2. KRIMINALITET

U izvještajnom periodu, prijavljena su 1092 krivična djela od kojih 556 po poznatom i 536 po nepoznatom počinocu. Od ukupnog broja krivičnih djela po nepoznatom počinocu, naknadno je rasvijetljeno 327 krivičnih djela ili 61%. Ukupna rasvijetljenost je 883 krivična djela ili 80,9%.

Pregled kriminaliteta u periodu januar – juni 2021. godine po policijskim stanicama/upravama

PODRUČJE	Broj krivičnih djela	Po poznatom	Po nepoznatom	Rasvijetljuje po nepoznatom	Procenat rasvijetljenosti po nepoznatom	Ukupno rasvijetljeno KD	Procenat ukupne rasvijetljenosti
PU I (ZENICA)	371	160	211	129	61,1%	289	77,9%
PS VISOKO	133	54	79	57	72,2%	111	83,5%
PS KAKANJ	122	69	53	33	62,3%	102	83,6%
PS BREZA	51	35	16	7	43,8%	42	82,4%
PS ZAVIDOVIĆI	78	51	27	16	59,3%	67	85,9%
PS MAGLAJ	72	42	30	16	53,3%	58	80,6%

PU ŽEPČE	49	29	20	16	80,0%	45	91,8%
PS TEŠANJ	104	34	70	38	54,3%	72	69,2%
PS USORA	8	2	6	3	50,0%	5	62,5%
PS DOBOJ JUG	13	5	8	6	75,0%	11	84,6%
PS OLOVO	22	9	13	6	46,2%	15	68,2%
PS VAREŠ	12	10	2	0	0,0%	10	83,3%
SJEDIŠTE	57	56	1	0	0,0%	56	98,2%
UKUPNO	1092	556	536	327	61,0%	883	80,9%

Najviše krivičnih djela je zabilježeno na području PU I Zenica (371), a najmanje na području PS Usora (8).


Zbog postojanja osnova sumnje da su počinili krivična djela, prijavljeno je 1051 lice, od kojih 492 povratnika u vršenju krivičnih djela i 11 maloljetnika.

Stanje kriminaliteta u periodu januar-juni 2021. godine sa uporednim podacima

Period	Broj KD	Po poznatom počinocu	Po nepoznatom počinocu	Rasvijetljeno po nepoznatom	Procenat rasvijetljenosti po nepoznatom	Ukupna rasvijetljenost	Procenat ukupne rasvijetljenosti	Broj prijavljenih lica	Maloljtnici	Povratnici
Jan. – juni 2017. god	1131	399	732	435	59,4%	834	73,7%	960	59	421
Jan. – juni 2018. god	1063	352	711	430	60,5%	782	73,6%	873	48	380
Jan. – juni 2019. god	1017	398	619	387	62,5%	785	77,2%	900	55	362
Jan. – juni 2020. god	1010	487	523	332	63,5%	819	81,1%	887	40	415
Jan. – juni 2021. god	1092	556	536	327	61,0%	883	80,9%	1051	11	492

U prvom polugodištu 2021. godine, broj krivičnih djela je, u odnosu na isti period prethodne godine, veći za 82 krivična djela ili 8,1%. Rasvijetljenost krivičnih djela po nepoznatom počinocu je manja za 2,5%, dok je ukupna rasvijetljenost manja za 0,2%.

Dijagram kriminaliteta za period januar – juni od 2017. do 2021. godine



Broj prijavljenih lica za počinjenje krivičnih djela po spolu

Ukupan broj KD	Broj prijavljenih lica											
	Ukupno prijavljeno lica	Od ukupnog broja										
		Ž	M	Maloljetnici						Povratnici		
				Ukupno maloljetnici	(14-16) god.		(16-18) god.		Ukupno povratnici			
					Ž	M	Ž	M		Ž	M	
1092	1051	51	989	11	0	4	0	7	492	10	482	


Od 1051 prijavljenog lica Tužilaštvu, 51 je ženskog i 989 muškog spola, te od 492 prijavljena povratnika u činjenju krivičnih djela, 10 je ženskog i 482 muškog spola.

MALOLJETNIČKO PRIJESTUPNIŠTVO

Prijavljeno je 11 maloljetnih počinitelja krivičnih djela, što je za 29 lica ili 72,5% manje nego u istom periodu prethodne godine. Svi prijavljeni maloljetnici su muškog spola, i to 4 lica starosti od 14 do 16 godina i 7 lica starosti od 16 do 18 godina. Maloljetnici su prijavljeni za sljedeća krivična djela:

- „Posjedovanje i omogućavanje uživanja opojnih droga” (3)
- „Razbojništvo“ (2)
- „Krađa” (1)
- „Teška krađa” (1)
- „Oduzimanje tuđe imovine” (1)
- „Oštećenje tuđe stvari” (1)
- „Izazivanje opće opasnosti” (1)
- „Teška krivična djela protiv sigurnosti javnog prometa” (1)

Dijagram maloljetničkog prijestupništva



U dijagramu se može vidjeti kretanje broja maloljetnih počinitelja krivičnih djela u prvim polugodištima od 2017. do 2021. godine, gdje je u zadnje dvije godine zabilježeno smanjenje broja maloljetnih počinitelja krivičnih djela.

STRUKTURA KRIVIČNIH DJELA

Struktura krivičnih djela prema Krivičnom zakonu BiH, prema Krivičnom zakonu FBiH, te prema drugim posebnim zakonima, prezentirana je tabelarno i tekstualno.

Prema Krivičnom zakonu BiH, nije bilo prijavljenih krivičnih djela, prema Krivičnom zakonu FBiH prijavljena su 992 krivična djela, te prema drugim posebnim zakonima, odnosno prema Zakonu o nabavljanju, držanju i nošenju oružja i municije ZDK, prijavljeno je 18 krivičnih djela.

Struktura krivičnih djela (prema KZ FBiH i drugim posebnim zakonima)

Red. br.	Naziv krivičnih djela po KZFBiH	Januar – juni 2020. godine		Januar – juni 2021. godine	
		Ukupno KD	Ukupno KD	Ukupno KD	Rasvijetljenost
1.	KD protiv života i tijela čl.166-176 (XVI)	30	100% (ran.per)	30	100% (ran.per)
	- Ubistvo	-	-	2	100%
	- Ubistvo u pokušaju	3	100%	1	100%
	- Prouzrokovanje smrti iz nehata	-	100%	1	100%
	- Teška tjelesna povreda	18	100%	14	78,6%
	- Laka tjelesna povreda	7	0%	10	100%
	- Učestvovanje u tuči	2		1	100%

2.	KD protiv slobode i prava čovjeka i građanina čl. 177-199 (XVII)	26	100%	52	96,2%
	- Otmica	-	-	1	100%
	- Ugrožavanje sigurnosti	25	100%	44	95,5%
	- Narušavanje nepovredivosti doma	1	100%	4	100%
	- Neovlašćeno optičko snimanje	-	-	3	100%
3.	KD protiv dostojanstva ličnosti i morala čl.203-213 (XIX)	8	100%	10	100%
	- Silovanje	1	100%	1	100%
	- Spolni odnošaj sa djetetom	3	100%	2	100%
	- Bludne radnje	1	100%	5	100%
	- Zadovoljenje pohote pred djetetom ili maloljetnikom	1	100%	-	-
	- Iskorištavanje djeteta ili maloljetnika radi pornografije	-	-	1	100%
	- Rodoskrvnuće	2	100%	1	100%
4.	KD protiv braka, porodice i mladeži čl.214-22 (XX)	64	100%	114	100%
	- Izvanbračna zajednica sa mlađim maloljetnikom	2	100%	3	100%
	- Zapuštanje ili zlostavljanje djeteta ili maloljetnika	1	100%	1	100%
	- Nasilje u porodici	60	100%	110	100%
	- Izbjegavanje izdržavanja	1	100%	-	-
5.	KD protiv zdravlja ljudi čl.225-240 (XXI)	300	100%	189	100%
	- Prenošnje zaraznih bolesti	1	100%	-	-
	- Neovlaštena proizvodnja i stavljanje u promet opojnih droga	33	100%	32	100%
	- Posjedovanje i omogućavanje uživanja opojnih droga	266	100%	157	100%
6.	KD protiv privrede, poslovanja i sigurnosti platnog prometa čl.241-272 (XXII)	8	100%	9	100%
	- Prevara u privrednom poslovanju	1	100%	-	100%
	- Krivotvorenje ili uništenje poslovnih ili trgovačkih knjiga ili isprava	1	100%	-	100%
	- Obmana pri dobijanju kredita ili drugih pogodnosti	6	100%	9	100%
7.	KD protiv radnih odnosa čl.279-285 (XXIV)	1	100%	-	-
	- Povreda prava iz socijalnog osiguranja	1	100%	-	-

8.	KD protiv imovine čl.286-302 (XXV)	393	48,6%	476	56,9%
	- Krađa	96	68,8%	131	58,8%
	- Teška krađa	215	34%	214	38,8%
	- Razbojnička krađa	1	100%	2	50%
	- Razbojništvo	11	72,7%	20	75%
	- Utaja	10	100%	8	100%
	- Oduzimanje tuđe pokretnine	6	33,3%	8	75%
	- Oštećenje tuđe stvari	39	43,6%	65	81,5%
	- Prevara	5	80%	14	85,7%
	- Iznuda	1	100%	2	50%
	- Ucjena	2	50%	2	100%
	- Zloupotreba povjerenja	-	-	1	100%
	- Prikrivanje	3	100%	3	100%
	- Paljevina	4	25%	6	100%
9.	KD protiv okoliša, poljoprivrede i prirodnih dobara čl.303-322 (XXVI)	12	100% (ran.per)	14	78,6% (ran.per)
	- Šumska krađa	7	100%	10	80%
	- Izazivanje šumskog požara	-	-	1	100%
	- Mučenje ili ubijanje životinje	4	100%	1	0%
	- Protuzakoniti lov	1	100%	1	100%
	- Oštećenje, uništenje i nedozvoljeni izvoz spomenika kulture i zaštićenih objekata prirode	-	-	1	100%
10.	KD protiv opće sigurnosti ljudi i imovine čl. 323-331 (XXVII)	35	62,9%	27	74,1%
	- Izazivanje opće opasnosti	34	61,8%	24	70,8%
	- Uništenje ili oštećenje važnih privrednih objekata ili javnih naprava	1	100%	-	-
	- Oštećenje zaštitnih naprava na radu	-	-	1	100%
	- Nesavjesno čuvanje pasa i drugih opasnih životinja	-	-	1	100%
	- Neotklanjanje opasnosti	-	-	1	100%
11.	KD protiv sigurnosti javnog prometa čl.332-337 (XXVIII)	40	100% (ran.per)	41	100% (ran.per)
	- Ugrožavanje javnog prometa	3	100%	3	100%
	- Ugrožavanje javnog prometa zbog omamljenosti	1	100%	-	-
	- Teška krivična djela protiv sigurnosti javnog prometa	33	100%	37	94,6%
	- Neukazivanje pomoći osobi povrijeđenoj u prometnoj nezgodi	3	100%	1	100%

12.	KD protiv pravosuđa čl.338-357 (XXIX)	1	100%	3	100%
	- Pomoć učinitelju poslije učinjenog krivičnog djela	-	-	1	100%
	- Davanje lažnog iskaza	-	-	1	100%
	- Sprječavanje dokazivanja	1	100%	-	-
	- Bijeg osobe kojoj je oduzeta sloboda	-	-	1	100%
13.	KD protiv javnog reda i pravnog prometa čl.358-379 (XXX)	62	100% (ran.per)	83	97,6%
	- Sprječavanje službene osobe u vršanju službene radnje	5	100%	6	100%
	- Napad na službenu osobu u vršenju poslova sigurnosti	3	100%	4	100%
	- Učestvovanje u grupi ljudi koja spriječi službenu osobu u vršenju službene radnje	1	100%	-	-
	- Nasilničko ponašanje	19	100%	29	89,7%
	- Neučestvovanje u otklanjanju opće opasnosti	-	-	1	100%
	- Skidanje ili povreda službenog pečata ili znaka	-	-	1	100%
	- Uništenje ili prikrivanje arhivske građe	-	-	1	100%
	- Lažno predstavljanje	-	-	2	50%
	- Nedozvoljeno držanje oružja ili eksplozivnih materija	19	100%	25	100%
	- Krivotvorenje isprave	7	100%	11	100%
	- Posebni slučajevi krivotvorenja isprave	5	100%	1	100%
	- Ovjeravanje neistinitog sadržaja	2	100%	2	100%
	- Povreda mira pokojnika	1	100%	-	-
14.	KD podmićivanja i krivič. djela protiv služb. i druge odgovorne funkcije čl.380-392 (XXXI)	10	100%	17	100%
	- Davanje dara i drugih oblika koristi	1	100%	2	100%
	- Zloupotreba položaja ili ovlaštenja	5	100%	9	100%
	- Pronevjera u službi	4	100%	2	100%
	- Prijevarena u službi	-	-	1	100%
	- Krivotvorenje službene isprave	-	-	3	100%
15.	KD protiv sustava elektronske obrade podataka čl.393-398 (XXXII)	1	100%	5	100%
	- Računalna prijevarena	1	100%	5	100%
16.	Ostala KD prema KZ FBiH	1	100%	6	100%
17.	KD iz drugih posebnih Zakona (Zakon o nabavljanju, držanju i nošenju oružja i minicije, čl.52. i čl.53.)	18	100%	16	100%
U K U P N O		1010	81,1%	1092	80,9%

a) Krivična djela protiv života i tijela

Iz ove skupine krivičnih djela definisanih Krivičnim zakonom FBiH, prijavljeno je 30 krivičnih djela (30 u istom periodu prethodne godine), a njihova rasvijetljenost je 100%. Od težih krivičnih djela iz ove skupine, počinjena su 2 krivična djela „Ubistvo“, jedno krivično djelo „Ubistvo u pokušaju“, jedno krivično djelo „Prouzrokovanje smrti iz nehata“ i 14 krivičnih djela „Teška tjelesna povreda“. Tužilaštvu su prijavljena 43 lica, od kojih 14 povratnika u vršenju krivičnih djela. Slobode je lišeno 11 lica za koja je određena mjera zadržavanja do 24 sata.

b) Krivična djela protiv slobode i prava čovjeka i građanina

Iz ove skupine počinjena su 52 krivična djela (26 u istom periodu prethodne godine). Ukupna rasvijetljenost je 96,2%. Od težih krivičnih djela evidentirano je jedno krivično djelo „Otmica“, koje je rasvijetljeno, te 44 krivična djela „Ugrožavanje sigurnosti“, čija je rasvijetljenost 95,5%. Tužilaštvu su prijavljena 52 lica, od kojih 27 povratnika u činjenju krivičnih djela. Slobode je lišeno 18 lica za koja je određena mjera zadržavanja do 24 sata.

c) Krivična djela protiv dostojanstva ličnosti i morala

Od krivičnih djela protiv dostojanstva ličnosti i morala, počinjeno je 10 krivičnih djela (8 u istom periodu prethodne godine). Ukupna rasvijetljenost je 100%. Iz ove skupine, počinjeno je jedno krivično djelo „Silovanje“, 2 krivična djela „Spolni odnošaj s djetetom“, 5 krivičnih djela „Bludne radnje“, jedno krivično djelo „Iskorištavanje djeteta ili maloljetnika radi pornografije“ i jedno krivično djelo „Rodoskrvuće“. Za počinjenje krivičnih djela iz ove skupine prijavljeno je 9 lica od kojih 3 povratnika u činjenju krivičnih djela. Slobode su lišena 3 lica kojima je određena mjera zadržavanja do 24 sata.

U svim slučajevima su obavljani razgovori sa žrtvama uz prisustvo tužilaca i psihologa KT ZDK, te službenika Centra za socijalni rad, te se strogo vodilo računa o zaštiti identiteta žrtava, posebno u slučajevima gdje se radilo o maloljetnim osobama i djeci. Protiv počinilaca su podneseni izvještaji i isti su uz izvještaje predati Kantonalnom tužilaštvu ZDK.

d) Nasilje u porodici

U prvom polugodištu 2021. godine, zabilježena su 123 slučaja nasilja u porodici (69 u istom periodu prethodne godine), od kojih na području PU I (Zenica) (33), PS Visoko (29), PS Kakanj (8), PS Breza (11), PS Zavidovići (12), PS Maglaj (7), PU Žepče (7), PS Tešanj (9), PS Usora (2), PS Olovo (3), PS vareš (1) i SKP (1). Žrtve nasilja su u najvećem broju slučajeva supruge, roditelji i djeca. Žrtvama nasilja su u 14 slučajeva nanesene lakše tjelesne povrede, dok se u ostalim slučajevima radilo o psiho-fizičkom zlostavljanju. Počinioci nasilja su najčešće muševci, sinovi i očevi. Protiv počinilaca nasilja u porodici je, radi postojanja osnovu sumnje da su počinili krivično djelo „Nasilje u porodici“, podneseno 110 izvještaja nadležnom tužilaštvu, kojima je prijavljeno 110 lica, od kojih 47 povratnika u činjenju krivičnih djela, 58 lica je lišeno slobode i istima je od strane tužilaštva određena mjera zadržavanja do 24 sata.

U ovoj oblasti kriminaliteta, uspostavljena je dobra saradnja sa centrima za socijalni rad, te Nevladinom organizacijom „Medica“ u cilju pružanja pomoći porodicama i žrtvama

porodičnog nasilja i eventualnog smještanja žrtava u “sigurnu kuću”.

e) Zloupotreba opojnih droga

Sva krivična djela protiv zdravlja ljudi odnosila su se na zloupotrebu droga. Ukupna rasvijetljenost je 100%.

Tužilaštvu su prijavljena 32 krivična djela “Neovlaštena proizvodnja i stavljanje u promet opojnih droga”, za koja je prijavljeno 69 lica, od kojih 46 povratnika u činjenju krivičnih djela, 59 lica je lišeno slobode, od kojih je za 28 lica određena mjera zadržavanja do 24 sata.

Prijavljeno je i 157 krivičnih djela “Posjedovanje i omogućavanje uživanja opojnih droga”, za koja je prijavljeno 219 lica, od kojih 120 povratnika i 3 maloljetnika, 177 lica je lišeno slobode, dok je za 118 lica određena mjera zadržavanja do 24 sata.

U izvještajnom periodu su oduzete sljedeće količine narkotičkih sredstava: 1190,7 g amfetamina, 1184,9 g opojne droge speed, 647,1 g marihuane, 349 stabljika „kanabisa“, 598 sjemenki „kanabisa“, 71 tableta opojne droge extazy, te 390,3 g i 84 tablete drugih supstanci koje asociraju na opojnu drogu.

f) Privredni kriminalitet

U skupinama krivičnih djela koje tretiraju oblast privrednog kriminaliteta, tokom izvještajnog perioda, na području Kantona je prijavljeno ukupno 77 krivičnih djela (53 u istom periodu prethodne godine), a ukupna rasvijetljenost je 93,5%. Tužilaštvu su prijavljena 92 lica, od kojih 20 povratnika. Slobode su lišena 2 lica i istima je određena mjera zadržavanja do 24 sata. Prijavljena su slijedeća krivična djela:

- Neovlašćeno optičko snimanje (3),
- Obmana pri dobijanju kredita ili drugih pogodnosti (9),
- Utaja (8),
- Prijevara (14),
- Iznuda (2),
- Ucjena (2),
- Pomoć učinitelju poslije učinjenog krivičnog djela (1),
- Davanje lažnog iskaza (1),
- Skidanje ili povreda službenog pečata ili znaka (1),
- Krivotvorenje isprave (11),
- Posebni slučajevi krivotvorenja isprave (2),
- Ovjeravanje neistinitog sadržaja (1),
- Davanje dara i drugih oblika koristi (2),
- Zloupotreba položaja ili ovlaštenja (9),
- Pronevjera u službi (2),
- Prijevara u službi (1),
- Krivotvorenje službene isprave (3),
- Računalna prevara (5).

Rasvijetljeno je i 5 krivičnih djela iz prethodnog perioda: Utaja (3) i Krivotvorenje isprave (2).

Odsjek za privredni kriminalitet i korupciju MUP-a ZDK je nadležnom Kantonalnom tužilaštvu ZDK podnio 17 izvještaja o izvršenim krivičnim djelima i otkrivanju počinitelaca protiv 22 fizička lica. Dostavljena su 43 izvještaja o poduzetim mjerama i radnjama, te je

uzeto 260 pismenih izjava na zapisnik. Najčešći predmet provjera Odsjeka za privredni kriminalitet i korupciju MUP-a ZDK su bila lica za koje su postojali osnovi sumnje da su počinila krivična djela: „Zloupotreba položaja ili ovlaštenja“, "Pronevjera u službi" i "Obmana pri dobijanju kredita ili drugih pogodnosti".

g) Krivična djela protiv imovine

Od krivičnih djela protiv imovine, počinjeno je 476 krivičnih djela (393 u istom periodu prethodne godine), a ukupna rasvijetljenost je 56,9%. Tužilaštvu je prijavljeno 300 lica, od kojih 159 povratnika i 6 maloljetnika, slobode su lišena 94 lica i svima je određena mjera zadržavanja do 24 sata.


U izvještajnom periodu je evidentirano 214 krivičnih djela „Teške krađe“, čija je ukupna rasvijetljenost 38,8%. Za počinjenje ovih krivičnih djela prijavljeno je 97 lica, od kojih jedan maloljetnik i 56 povratnika u činjenju krivičnih djela. Slobode je lišeno 39 lica i svima je određena mjera zadržavanja do 24 sata.

Podaci o teškim krađama sa uporednim podacima

Period	Broj KD teške krađe	Po poznatom počinocu	Po nepoznatom počinocu	Rasvijetljeno po nepoznatom počinocu	Procenat rasvijetljenosti po nepoznatom počinocu	Ukupna rasvijetljenost	Procenat ukupne rasvijetljenosti	Broj prijavljenih lica	Maloljetnici	Povratnici
Jan. – juni 2017.godine	305	4	301	113	37,5%	117	38,4%	140	29	66
Jan. – juni 2018.godine	325	4	321	106	33%	110	33,8%	130	12	85
Jan. – juni 2019.godine	221	1	220	82	37,3%	83	37,6%	73	9	43
Jan. – juni 2020.godine	215	4	211	69	32,7%	73	34%	98	15	56
Jan. – juni 2021.godine	214	11	203	72	35,5%	83	38,8%	97	1	56

Kako je prethodno navedeno, tokom šest mjeseci ove godine, evidentirano je 214 krivičnih djela „Teške krađe“, što je za jedno krivično djelo manje nego u istom periodu prethodne godine.

Dijagram krivičnih djela „Teške krađe“



Broj krivičnih djela „Teške krađe“ je u stalnom opadanju kada se posmatraju prva polugodišta zadnjih 5 godina, što je prikazano u tabeli *Podaci o teškim krađama sa uporednim podacima* i dijagramu, *Dijagram krivičnih djela „Teške krađe“*.

U krivična djela „Teške krađe“ spadaju, pored ostalog, i krađe putničkih motornih vozila, krađe iz putničkih motornih vozila, krađe iz kuća i stanova i krađe iz privrednih i poslovnih objekata.

U izvještajnom periodu, ukupno je ukradeno 14 putničkih motornih vozila (21 u istom periodu prethodne godine). Najviše je bilo krađa vozila marke „VW Golf“ (5), zatim „Renault“ (2), te po jedna krađa vozila marke, „Opel“, „Škoda“, „Peugeot“, „BMW“, „Audi“ i 2 vozila koja se vode u rubrici „Ostala“. Krađe su se desile u noćnim ili ranim jutarnjim satima.

Zahvaljujući sprovedenim akcijama policije, u skladu sa Akcionim planom, pronađeno je i vraćeno vlasnicima ukupno 5 automobila. Od ukupnog broja krađa putničkih motornih vozila, rasvijetljene su 2, za čije počinjenje je prijavljeno 6 lica, od kojih su 4 povratnika u činjenju ovih krivičnih djela, jedno lice je lišeno slobode i istom je određena mjera zadržavanja do 24 sata.

Na području Kantona je evidentirano i 37 teških krađa iz automobila (30 u istom periodu prethodne godine), sa pričinjenom materijalnom štetom od 64.210,00 KM, zatim 115 teških krađa iz kuća i stanova (121 u istom periodu prethodne godine), sa materijalnom štetom od 57.810,00 KM i 57 teških krađa iz poslovnih i privrednih objekata (48 u istom periodu prethodne godine), sa ukupnom materijalnom štetom od 42.640,00 KM.

Od težih krivičnih djela iz skupine krivičnih djela protiv imovine treba izdvojiti krivična djela „Razbojništva“. U izvještajnom periodu na području Zeničko-dobojskog kantona je počinjeno 20 krivičnih djela „Razbojništva“ (11 u istom periodu prethodne godine), čija je ukupna rasvijetljenost 75%.

h) Krivična djela protiv okoliša, poljoprivrede i prirodnih dobara

Iz ove skupine krivičnih djela, prijavljeno je 14 krivičnih djela (12 u istom periodu

prethodne godine). Ukupna rasvijetljenost je 78,6%. Za počinjenje ovih krivičnih djela tužilaštvu je prijavljeno 13 lica od kojih 4 povratnika u činjenju krivičnih djela, jedno lice je lišeno slobode i istom je određena mjera zadržavanja do 24 sata.

i) Krivična djela protiv opće sigurnosti ljudi i imovine

Počinjeno je ukupno 27 krivičnih djela protiv opšte sigurnosti ljudi i imovine (35 u istom periodu prethodne godine), ukupne rasvijetljenosti 74,1%. Od krivičnih djela iz ove skupine najviše je krivičnih djela „Izazivanje opće opasnosti“ (24). Prijavljena su 22 lica, od kojih 6 povratnika i jedan maloljetnik. Slobode je lišeno 13 lica i istima je određena mjera zadržavanja do 24 sata.

PODMETANJE EKSPLOZIVNIH NAPRAVA

U izvještajnom periodu evidentirana su 2 slučaja bacanja eksplozivne naprave, na području PS Zavidovići i PS Centar, usljed čijeg aktiviranja je nastupila materijalna šteta.

- Dana 09.01.2021. godine, u 08,45 sati, u službene prostorije PS Zavidovići se obratilo se lice R. I. nastanjeno u mjestu Skroze bb općina Zavidovići i prijavio da je istog dana u 00,17 sati u dvorište njegove porodične kuće bačena ručna bomba kašikara, kojom prilikom su nastala oštećenja od gelera na prozorima i zidovima kuće. Isti je pregledom video nadzora na kući jasno vidio da je počinilac S.M. iz Zavidovića. Uviđaj je izvršen od strane istražitelja, te je naloženo da se izvrši pretres kuće lica S.M., nakon čega je isti lišen slobode i zadržan u prostoriji za zadržavanje u PS Zavidovići.
- Dana 17.06.2021. godine, u 23,20 sati, u ulici Envera Čerkeza, grad Zenica, od strane NN lica izvršeno je krivično djelo „Ugrožavanje sigurnosti“ upotrebom eksplozivne naprave koja je bačena u dvorište kuće u vlasništvu D.A. iz Zenice. Tom prilikom došlo je do oštećenja putničkog motornog vozila marke "Ford", vlasništvo istog. Uviđaj je izvršen od strane službenika OKP-a PU I Zenica, uz upoznavanje tužioca.

j) Krivična djela protiv sigurnosti javnog prometa

Počinjeno je 41 krivično djelo protiv sigurnosti javnog prometa (40 u istom periodu prethodne godine), rasvijetljenost je 100%. Za ova krivična djela je prijavljeno 50 lica od kojih 5 povratnika u činjenju krivičnih djela i jedan maloljetnik. Slobode su lišena 2 lica i istima je određena mjera zadržavanja do 24 sata.

k) Krivična djela protiv javnog reda i pravnog prometa

Tužilaštvu su prijavljena 83 krivična djela protiv javnog reda i pravnog prometa (62 u istom periodu prethodne godine), čija je rasvijetljenost 97,6%. Od težih krivičnih djela iz ove skupine, prijavljeno je 6 krivičnih djela Sprječavanje službene osobe u vršenju službene radnje“, 4 krivična djela „Napad na službenu osobu u vršenju poslova sigurnosti“, te 25 krivičnih djela „Nedozvoljeno držanje oružja ili eksplozivnih materija“.

Prijavljena su ukupno 94 lica, od kojih 39 povratnika u činjenju krivičnih djela. Slobode je lišeno 37 lica, dok je za 36 lica određena mjera zadržavanja do 24 sata.

l) Ostala krivična djela

Prijavljeno je 6 krivičnih djela zavedenih u rubriku “Ostala KD” prema KZ FBiH, koja su rasvijetljena i za koja je prijavljeno 7 lica, od kojih su 3 lica povratnici u činjenju krivičnih djela.

Prijavljeno je i 16 krivičnih djela, okarakterisanih kao “Krivična djela iz drugih posebnih zakona”, čija je rasvijetljenost 100%. Za ova krivična djela tužilaštvu je prijavljeno 17 lica, od kojih 10 povratnika, 9 lica je lišeno slobode i svima je određena mjera zadržavanja do 24 sata. Ova krivična djela se odnose na krivična djela prema Zakonu o nabavljanu, držanju i nošenju oružja i municije ZDK.

m) Kriminalistička tehnika

Radeći na otkrivanju i rasvijetljavanju krivičnih djela i drugim aktivnostima, službenici kriminalističke tehnike su izvršili 1042 uviđaja (1020 u istom periodu prethodne godine), pri čemu je pronađeno 4449 tragova od značaja za rasvijetljavanje krivičnih djela (5138 u istom periodu prethodne godine).

Izvršena su 642 vještačenja (714 u prethodnoj godini), lice mjesta je fotografisano u 1127 slučajeva i daktiloskopirano je 27 lica. Kroz bazu AFIS je izvršena identifikacija 8 NN lica i u bazu AFIS je uneseno 38 nespornih otiska papilarnih linija.

n) Operativne aktivnosti policije

U izvještajnom periodu zabilježena su 982 slučaja privođenja lica (820 slučajeva u istom periodu prethodne godine) i tom prilikom je privedeno 991 lice. Sprovedeno je 101 lice, zadržano 925, te je utvrđen identitet za 4910 lica (3970 u istom periodu prethodne godine).

Izvršeno je 1649 uviđaja, 466 pretresa lica, 84 pretresa stanova, jedan pretres ugostiteljskog objekta, 13 pretresa motornih vozila, te 17 pretresa drugih prostorija.

Oduzeto je 777 predmeta i uhvaćeno 10 lica po potjernici. Službenici policije su samostalno rasvijetlili 179 krivičnih djela, a zajedno sa službenicima kriminalističke policije 384 krivična djela. Sačinjeno je 1395 službenih zabilješki koje su sadržavale sumnje za počinjenje krivičnih djela.

Izvršeno je 1369 provjera na zahtjev tužilaštva i sudova (1345 u istom periodu prethodne godine), 182 provjere po zahtjevima OSA-e, SIPA-e i GP BiH, te 1931 provjera na zahtjev drugih organa.

Pružene su 492 asistencije (365 u prethodnoj godini), od kojih 44 po zahtjevima državnih organa, 253 po zahtjevu organa i organizacija javnih ovlaštenja, te 195 asistencija po ostalim zahtjevima.

Izvršena su 833 vanredna (833 i u prethodnoj godini) i 4329 redovnih osiguranja (4425 u istom periodu prethodne godine), te izvršeno obezbjeđenje 488 javnih skupova (176 u prethodnoj godini).

o) Protestni skupovi, štrajkovi i blokade

U izvještajnom periodu održano je 5 protestnih skupova (14 u istom periodu prethodne godine), svi na području PS Centar. Protestni skupovi su bili u organizaciji: Koordinacionog odbora temeljnih boračkih organizacija, MZ Janjići, NK Čelik i UG „Robijaši“.

Na protestima je učestvovalo od 50 do 2000 učesnika i na istima nije bilo narušavanja javnog reda i mira. Svi protestni skupovi su održani u januaru i junu.

p) Samoubistva

Tokom prvog polugodišta 2021. godine, na području Zeničko-dobojskog kantona je evidentirano 21 samoubistvo (18 u istom periodu prethodne godine).

Po načinu izvršenja, 15 samoubistava je izvršeno vješanjem, 2 utapanjem, te po jedno samoubistvo aktiviranjem ručne bombe, ostrim predmetom, trovanjem i na ostali način.

Po spolnoj strukturi, 15 samoubistava su izvršili muškarci i 6 žene. Po starosnoj dobi, samoubistava su izvršile osobe starosti od 60 do 70 godina (7), od 40 do 50 godina (4), od 50 do 60 godina (3), preko 80 godina (3), od 25 do 30 godina (2) i od 30 do 40 (2).

2. 3. BEZBJEDNOST SAOBRAĆAJA

U prvih šest mjeseci 2021. godine evidentirane su 1353 saobraćajne nezgode u kojima je 5 osoba smrtno stradalo, a povrijeđena su 432 lica, od kojih 368 lakše i 64 teže.

Najveći broj saobraćajnih nezgoda je evidentiran na području PS Centar (488), a najmanji na područjima PS Usora (12) i PS Nemila (12).

Stanje u oblasti bezbjednosti saobraćaja u prvom polugodištu 2021. godine po PS

PS	Broj saobraćajnih nezgoda	Lakše povrijeđeni	Teže povrijeđeni	Smrtno stradali
PS Centar	488	68	19	1
PS Crkvice	136	47	3	0
PS Nemila	12	5	0	0
PS Visoko	168	41	5	1
PS Kakanj	121	20	4	0
PS Breza	30	11	1	0
PS Zavidovići	65	36	11	0
PS Maglaj	60	17	5	0
PS Žepče	102	41	4	0
PS Tešanj	110	60	8	1
PS Usora	12	5	0	0
PS Doboju Jug	16	10	1	1
PS Olovo	16	4	0	0
PS Vareš	17	3	3	1
UKUPNO	1353	368	64	5

Stanje bezbjednosti saobraćaja sa uporednim podacima


Period	Broj saobraćajnih nezgoda	Broj lakše povrijeđenih lica	Broj teže povrijeđenih lica	Broj smrtno stradalih lica
Jan. – juni 2017. godine	1968	348	63	12
Jan. – juni 2018. godine	2093	333	76	8
Jan. – juni 2019. godine	1459	330	51	5
Jan. – juni 2020. godine	1201	292	50	8
Jan. – juni 2021. godine	1353	368	64	5

Broj saobraćajnih nezgoda je, u odnosu na isti period prethodne godine, veći za 152 nezgode ili 12,7%. Broj lakše povrijeđenih lica je veći za 76 lica ili 26%, broj teže povrijeđenih lica je veći za 14 lica ili 28%, dok je broj smrtno stradalih lica manji za 3 lica ili 37,5%.

Kada posmatramo uzroke saobraćajnih nezgoda, u 298 nezgoda uzrok je bila neprilagođena brzina uslovima puta, u 62 nezgoda vožnja pod dejstvom alkohola, u 17 nezgoda proklizavanje i u jednom slučaju umor. U 975 nezgoda se radilo o ostalim uzrocima, pod kojim se podrazumijeva nepoštivanje vertikalne i horizontalne signalizacije i nepoštivanje ostalih saobraćajnih propisa (preticanje na nedozvoljenim mjestima, nedržanje odstojanja, itd.).

U nezgodama u kojima su smrtno stradala lica, u 4 nezgode uzrok je bila neprilagođena brzina uslovima na putu i u jednoj nezgodi se radilo o ostalim uzrocima.

Dijagram broja saobraćajnih nezgoda



U dijagramu je prikazano kretanje broja saobraćajnih nezgoda u prvim polugodištima od 2017. do 2021. godine.

Saobraćajne nezgode i nastradala lica prema kategoriji puta sa uporednim podacima

		Broj saobraćajnih nezgoda		Posljedice saobraćajnih nezgoda					
				Smrtno stradala lica		Teže povrijeđena lica		Lakše povrijeđena lica	
		Jan-juni 2020.	Jan-juni 2021.	Jan-juni 2020.	Jan-juni 2021.	Jan-juni 2020.	Jan-juni 2021.	Jan-juni 2020.	Jan-juni 2021.
	Auto put A1	55	51	0	0	1	2	4	9
	Magistralni put	203	265	5	3	15	23	77	89
Kategorija	Regionalni put	167	171	0	1	14	12	59	85
puta	Lokalni put	230	239	0	1	4	12	69	72
	Ulice u naselju	496	505	2	0	16	12	78	104
	Ostalo	50	122	1	0	0	3	5	9
UKUPNO		1201	1353	8	5	50	64	292	368

Kako se vidi iz prethodne tabele, najviše saobraćajnih nezgoda, 505, desilo se na ulicama u naseljima (496 u prethodnoj godini). Od 5 smrtno stradalih lica, 3 je stradao na magistralnim putevima, jedno lice na regionalnom i jedno lice na lokalnom putu.

Od ukupnog broja nastradalih lica, vozača je 241 (184 u istom periodu prethodne godine), putnika u vozilima 135 (125 u uporednom periodu) i pješaka 61 (41 u uporednom periodu).

Smrtno su stradala 3 vozača (4 u uporednom periodu prethodne godine), jedan putnik (2 u uporednom periodu) i jedan pješak (2 u uporednom periodu).

Nastradala lica po spolu

Red. Br.		NASTRADALA LICA								
		Smrtno stradali			Teže povrijeđeni			Lakše povrijeđeni		
		UKUPNO	Ž	M	UKUPNO	Ž	M	UKUPNO	Ž	M
1	Vozači	3	0	3	33	5	28	205	35	170
2	Putnici	1	0	1	12	5	7	122	59	63
3	Pješaci	1	0	1	19	2	17	41	16	25
UKUPNO		5	0	5	64	12	52	368	110	258

Svih 5 smrtno stradalih lica su muškog spola, od 64 teže povrijeđenih lica, 12 je ženskog i 52 muškog spola, te od 368 lakše povrijeđenih lica, 110 je ženskog i 258 muškog spola.

Aktivnosti policije u oblasti bezbjednosti saobraćaja

Radi poboljšanja stanja u oblasti bezbjednosti saobraćaja policijski službenici su za počinjene prekršaje i krivična djela u saobraćaju sankcionisali ukupno 39.946 učesnika u saobraćaju.

Podaci o aktivnostima policije u oblasti bezbjednosti saobraćaja sa uporednim podacima

Red. br.	AKTIVNOSTI POLICIJE U OBLASTI BEZBJEDNOSTI SAOBRAĆAJA	Januar – juni 2020. godine	Januar – juni 2021. godine
1.	Kontrolisano vozila/vozača	33676	43617
2.	Kontrolisano lica u vozilima	7187	15312
3.	Podneseno krivičnih prijava zbog izvršenih KD ugrožavanja bezbjednosti saobraćaja	25	35
4.	Podneseno zahtjeva za pokretanje prekršajnog postupka	499	671
5.	Broj izdatih prekršajnih naloga	36185	39240
6.	Isključeno vozila iz saobraćaja zbog tehničke neispravnosti	82	389
7.	Zatečeno vozača pod dejstvom alkohola	1428	1221
8.	Zatečeno vozača bez položenog vozačkog ispita	377	327
9.	Zatečeno vozača pod izrečenom zaštitnom mjerom zabrane upravljanja motornim vozilima	100	175
10.	Zatečeno vozača bez korištenja sigurnosnog pojasa	393	476
11.	Zatečeno vozača koji koriste mobilni telefon tokom vožnje	174	215
12.	Otkriveno vozila bez važeće registracije	314	363

Sankcije u saobraćaju po spolu

Broj prijava zbog počinjenih KD ugrožavanja bezbjednosti saobraćaja			Broj zahtjeva za pokretanje prekršajnog postupka			Broj izdatih prekršajnih naloga			
UKUPNO	Ž	M	UKUPNO	Ž	M	UKUPNO	Ž	M	PRAVNA LICA
35	3	32	671	107	564	39240	7374	31410	456

Od 39240 izdatih prekršajna naloga, 7374 su izdata licima ženskog i 31410 licima muškog spola, dok je 456 naloga izdato pravnim licima. Od 671 zahtjeva za pokretanje prekršajnog postupka, 107 je upućeno licima ženskog i 564 licima muškog spola, te od 35 prijava Tužilaštvu zbog počinjenih KD ugrožavanja bezbjednosti saobraćaja, 3 su podnesene protiv lica ženskog i 32 protiv lica muškog spola.

RADARSKI SISTEMI I VIDEO NADZOR

Na području Zeničko-dobojskog kantona, svi korišteni radarski sistemi su tokom prvog polugodišta 2021. godine evidentirali ukupno 26246 prekršaja prekoračenja brzine, ukupne naplativosti 1.968.510,00 KM.

Stacionarni radari na lokacijama Pečuj (Zenica), Šije (Tešanj) i Žabljak (Usora) su ukupno evidentirali 5320 prekršaja koje su počinili vozači koji su upravljali vozilima sa BiH registarskim tablicama i za novčanu naplatu ukupan iznos je 345.650,00 KM i 5473 prekršaja koje su počinili vozači koji su upravljali vozilima stranih registarskih tablica i ukupna moguća naplativost ovih prekršaja je 465.700,00 KM.

Mobilni radari, koji su bili postavljeni na područjima policijskih uprava, odnosno stanica, evidentirali su ukupno 12961 prekršaj koje su počinili vozači vozila sa BiH registarskim tablicama i naplativost ovih prekršaja je 935.400,00 KM i 2492 prekršaja koje su počinili vozači vozila sa stranim registarskim tablicama i moguća naplativost ovih prekršaja je 221.750,00 KM.

Video nadzor, koji je uspostavljen na 7 lokacija u Gradu Zenici, LPR kamere (tzv „pametne kamere“), su povezane u sistem, vrši se snimanje vozila i pješaka, prati činjenje prekršaja, te vrši sankcionisanje počinitelaca, prvenstveno vozila sa nevažećim registracijama. U prvom polugodištu 2021. godine LPR kamerama snimljene su 7974 fotografije vozila, sačinjeno je ukupno 345 izvještaja o počinjenim prekršajima po članu 211. stav 1. Zakona o osnovama bezbjednosti saobraćaja (posjedovanje važeće potvrde o registraciji), te izdata 462 prekršajna naloga.

PREGLED PODATAKA O ORUŽJU

Tokom prvog polugodišta 2021. godine je oduzeto sljedeće nelegalno posjedovano oružje: jedno teško oružje, 4 automatske puške, jedna puška M-48, 10 lovačkih pušaka i 9 ostalih vrsta pušaka, 29 pištolja, jedan automatski pištolj, 3 ručne bombe, 32 komada hladnog oružja, 5 boksera, 52 komada drugih predmeta podobnih za nanošenje tjelesnih povreda, 457 komada municije i 3126 petardi.

U izvještajnom periodu izdato je 1010 odobrenja za nabavljanje oružja za fizička lica (568 u istom periodu prethodne godine). Izdata su 1423 oružna lista, te izvršena 2281 zamjena oružnih listova za fizička lica. Izdato je jedno odobrenje za držanje oružja za pravna lica, te 2 odobrenja za držanje trofejnog oružja. Oduzeto je i 120 komada oružja u upravnom postupku (49 u istom periodu prethodne godine).

Broj izdatih odobrenja za nabavljanje oružja za fizička lica			Broj izdatih oružnih listova za fizička lica			Broj izvršenih zamjena oružnih listova za fizička lica			Broj izdatih odobrenja za nabavku municije		
UKUPNO	Ž	M	UKUPNO	Ž	M	UKUPNO	Ž	M	UKUPNO	Ž	M
1010	15	995	1423	12	1411	2281	23	2258	0	0	0

Podaci o izdatim odobrenjima za nabavljanje oružja i municije po spolu

Od 1010 izdatih odobrenja za nabavljanje oružja za fizička lica, 15 je izdato licima ženskog i 995 licima muškog spola, od 1423 izdata oružna lista za fizička lica, 12 je izdato licima ženskog i 1411 licima muškog spola, dok nije bilo izdatih odobrenja za nabavku municije.

POŽARI I EKSPLOZIJE

Inspektorat MUP-a ZDK je vršio uviđaj na 51 požaru (79 u istom periodu prethodne godine), i to na stambenim objektima (18), saobraćajnim sredstvima (13), poslovnim prostorima (3), na pomoćnim objektima (3) i šumski požar (1).

Utvrđeno je da su u 19 slučajeva požari namjerno izazvani, u 7 slučajeva požari su izazvani nehatom, u 23 slučaja tehničkim nedostatkom, te u 2 slučaja uzrok požara nije utvrđen.

Posljedice požara su pričinjena materijalna šteta, dok povrijeđenih i smrtno stradalih lica nije bilo.

Evidentirana je i jedna tehnička eksplozija, izazvana nepoznatim uzrokom, koja je za posljedicu imala materijalnu štetu.

NAPADI NA POLICIJSKE SLUŽBENIKE

Tokom prvog polugodišta 2021. godine, evidentirana su 2 napada na policijske službenike (3 u istom periodu prethodne godine), svi pojedinačni. Napadi su se desili prilikom zaticanja lica u vršenju krivičnog djela i prilikom lišavanja lica slobode. U oba slučaja u napadima je korištena fizička snaga. Napadi su izvršeni od strane 2 punoljetna napadača i prilikom napada je jedan policijski službenik zadobio lakše tjelesne povrede. Protiv napadača su podneseni izvještaji tužilaštvu.

3. ZAKLJUČAK SA PRIJEDLOGOM MJERA

Bezbjednosna situacija tokom prvog polugodišta 2021. godine prezentirana je kroz pregled stanja u oblasti javnog reda i mira, kriminaliteta, bezbjednosti saobraćaja i drugih parametara u odnosu na isti period prethodne godine.

Stanje bezbjednosti tokom prvog polugodišta 2021. godine, posmatrano u odnosu na isti period prethodne godine, karakterišu slijedeći parametri:

- **U oblasti javnog reda i mira**, broj prekršaja je manji za 1664 prekršaja. Ovoliko smanjenje se uglavnom odnosi na prekršaje „Odbijanje naređenja i omalovažavanje policijskih službenika“, čiji je broj smanjen zbog ukidanja određenih naredbi Federalnog štaba civilne zaštite zavedenih radi sprječavanja širenja zaraze virusom COVID 19. Broj prekršaja javnog reda i mira tučom ili fizičkim napadom na drugoga je manji za 19 prekršaja ili 6,8%, broj prekršaja naročito drskim ponašanjem je manji za 47 prekršaja ili 16,1%, te je broj povrijeđenih lica u prekršajima javnog reda i mira veći za 3 lica ili 2,3%. Prekršaja javnog reda i mira u većem obimu, nije bilo.
- **U oblasti kriminaliteta**, broj krivičnih djela je veći za 82 krivična djela ili 8,1%. Rasvijetljenost krivičnih djela po nepoznatom počiniocu je manja za 2,5%, dok je ukupna rasvijetljenost manja za 0,2%. Počinjena su 2 krivična djela „Ubistvo“ koja su rasvijetljena. Maloljetničko prijestupništvo je manje za 72,5%, broj krivičnih djela „Teške krađe“ je manji za jedno krivično djelo, dok je broj ukradenih automobila manji za 7 odnosno 33,3%.
- **U oblasti bezbjednosti saobraćaja**, broj saobraćajnih nezgoda je veći za 152 nezgode ili 12,7%. Broj lakše povrijeđenih lica je veći za 76 lica ili 26%, broj teže povrijeđenih lica je veći za 14 lica ili 28%, dok je broj smrtno stradalih lica manji za 3 lica ili 37,5% u odnosu na isti period prethodne godine. Radi poboljšanja stanja u oblasti bezbjednosti saobraćaja, sankcionirano je ukupno 39946 učesnika u saobraćaju.

Na osnovu prezentirane analize i komparacije sa uporednim periodom, može se zaključiti da su policijski službenici ministarstva, poduzimanjem ukupnih aktivnosti, planiranih i zavedenih akcija u oblasti kriminaliteta, javnog reda i mira i bezbjednosti saobraćaja, u toku prvog polugodišta 2021. godine, bezbjednosnu situaciju učinili zadovoljavajućom.

Ministarstvo će i ubuduće raditi na intenzivnijoj kontroli i nadzoru izvršavanja svih poslova i zadataka iz svoje nadležnosti, te će postupati u skladu sa Akcionim planom mjera i radnji MUP-a ZDK za 2021. godinu, kao i u skladu sa naredbama Federalnog štaba civilne zaštite.

Ministarstvo će planirati i poduzimati aktivnosti u oblasti kriminaliteta, javnog reda i mira i bezbjednosti saobraćaja.

3.1. MJERE U OBLASTI KRIMINALITETA

- Postupat će se u skladu sa procjenom stanja bezbjednosti i u skladu sa Akcionim planom mjera i radnji MUP-a ZDK, kojim su planirane mjere i radnje koje će se poduzimati po najtežim krivičnim djelima ubistva, razbojništva, teških krađa (automobila, teških krađa iz kuća i stanova, poslovnih objekata) iznuda, ucjena, navođenja na prostituciju, nasilja u porodici, neovlaštene proizvodnje i stavljanja u promet opojnih droga, posjedovanja i omogućavanja uživanja opojnih droga, izazivanja opće opasnosti itd.
- Sprovoditi će se pojačane aktivnosti vezane za otkrivanje počinilaca teških krivičnih djela koja ugrožavaju osjećaj sigurnosti građana.
- Nastavit će se aktivnosti po predmetima vezanim za privredni kriminalitet, te zloupotrebu i nepravilnosti prilikom odobravanja i podizanja kredita.
- Takođe će se nastaviti aktivnosti na realizaciji mjera iz programa prevencije maloljetničkog prijestupništva na području ZDK.
- Sprovodit će se aktivnosti vezane za realizaciju planova rada za rasvjetljavanje svih neriješenih ubistava iz proteklih godina.
- Nastavit će se aktivnosti mobilnih timova, u svrhu otkrivanja predmeta iz krivičnih djela, predmeta pogodnih za počinjenje krivičnih djela, nezakonito posjedovanog oružja i eksplozivnih materija, droga itd.
- Sprovodit će se pojačane aktivnosti na kontroli kretanja i boravka migranata na području ZDK, kao i aktivnosti na otkrivanju i procesuiranju počinilaca kriminalnih radnji krijumčarenja migrantima.
- Sprovodit će se pojačane aktivnosti, u saradnji sa Državnom agencijom za istrage i zaštitu (SIPA-om) i Federalnom upravom policije, na sprječavanju i preveniranju svih terorističkih aktivnosti na području ZDK i cijele Države BiH.
- Nastavit će se saradnja sa svim agencijama za sprovođenje zakona, kao i drugim institucijama (Državna agencija za istrage i zaštitu – SIPA, FMUP, MUP-ovi drugih kantona i RS, itd.), kao i sa Tužilaštvom BiH, Federalnim i Kantonalnim tužilaštvom, Kazneno popravnim zavodom Zenica, Ministarstvom pravde, Kantonalnom upravom za inspeksijske poslove, Ministarstvom zdravstva itd.

3.2. MJERE U OBLASTI JAVNOG REDA I MIRA

- Ministarstvo će poduzimati mjere prema licima sklonim narušavanju javnog reda i mira, kao i pojačati aktivnosti nadzora nad licima koja se pojavljuju kao povratnici u činjenju prekršaja JRM-a.
- Poduzimat će se mjere u skladu sa naredbama Federalnog štaba civilne zaštite na suzbijanju pandemije korona virusom COVID 19, te u smislu poštivanja Zakona o JRM ZDK.
- Takođe će se pojačati pozorno - patrolna aktivnost u svrhu preventivnog djelovanja, odnosno otkrivanja i sprječavanja svih djela koja bi mogla imati elemente ugrožavanja opće sigurnosti ljudi i imovine.
- Posebna pažnja će se obratiti na kretanje maloljetnih lica u noćnim satima bez pratnje roditelja ili staratelja.
- Nastavit će se aktivnosti na pružanju asistencija inspeksijskim organima, na kontroli rada ugovornih objekata, posebno u pogledu poštivanja općinskih odluka o JRM.
- Ministarstvo će nastaviti aktivnosti na obezbjeđenju svih javnih skupova na području Kantona (sportskog, kulturnog, vjerskog ili nekog drugog karaktera).

- Sarađivat će se sa agencijama za zaštitu ljudi i imovine u okviru zakonskih nadležnosti i ovlaštenja, radi razmjene bezbjednosnih saznanja.

3.3. MJERE U OBLASTI BEZBJEDNOSTI SAOBRAĆAJA

- Na osnovu broja saobraćajnih nezgoda i posljedica koje su nastupile i u skladu sa stručno-analitičkom procjenom stanja, Ministarstvo će obezbijediti intenzivniju kontrolu na svim kategorijama puteva i ostvariti potpuniju kontrolu pojedinih kategorija učesnika u saobraćaju.
- Takođe će se pojačati rad i zavoditi akcije u cilju poduzimanja represivnih mjera prema vozačima koji čine prekršaje koji su najčešći uzrok saobraćajnih nezgoda (brzina, tehnička neispravnost, odstojanje, alkohol i sl.).
- Nastavit će se rad sa radarskim sistemima, u vezi sa brzom vožnjom i preticanjem na mjestima gdje je to zakonom zabranjeno.
- I dalje će se poduzimati mjere i aktivnosti na kontroli mirujućeg saobraćaja.
- Preventivno će se djelovati prisustvom policijskih patrola sa upaljenom sigurnosno-svjetlosnom rotacijom na putu M-17.
- Obim kontrole saobraćaja će se stalno usklađivati sa vrstom i značajem puta, stanjem bezbjednosti na pojedinim putnim dionicama, učestalošću i strukturom prekršaja, kao i vremenskim uslovima.
- Vršit će se praćenje i analiziranje efikasnosti kaznene politike i uticaja izrečenih sankcija na unapređenje bezbjednosti saobraćaja.
- Takođe će se pratiti stanje infrastrukture saobraćajnica, te u skladu s tim će se vršiti kontrola i regulacija saobraćaja, a o uočenim nedostacima će se sačinjavati informacije i dostavljati nadležnim strukturama radi njihovog otklanjanja.
- Uprava policije će posvetiti još veću pažnju kontroli i praćenju prevoza opasnih materija i poduzimati potrebne mjere u svim slučajevima kada se utvrde određeni propusti.
- Vršit će se provođenje zaštitne mjere oduzimanja vozila sa kojima se učestalo vrše prekršaji i krivična djela, a radi zaštite javne sigurnosti, kako je predviđeno članom 31. Zakona o prekršajima FBiH, članom 79. ZKP FBiH i članom 22. Zakona o policijskim službenicima ZDK, te će se tražiti od nadležnih općinskih sudova donošenje naredbi ili drugih rješenja o postupanjima sa predmetnim vozilima.
- Ministarstvo će poduzimati mjere na što dosljednijoj realizaciji posebnih programa o osposobljavanju policijskih službenika, kao i programa modernizacije i opremanja saobraćajnih patrola radarskim sistemima, alkometrima, video i komunikacijskom opremom za dokumentovanje događaja, odnosno prekršaja.
- Vršit će se kontrolno-instruktivne službe nad provođenjem ovih mjera.

Broj: 08-01-01/2_____/21

Dana: 11. 08. 2021. godine.

MINISTAR

Dario Pekić